



Synfocity = 510

mail us at : mzsynfo@gmail.com; mizoramsynod@gmail.com - Phone - 2314648

23rd October, 2014

❑ Kohler Power Systems Hruaina Eng Quiz

October 14, 2014 zan atang khan Kohler Power Systems Hruaina Eng Quiz, Elimination Round chu Zosaphluia Hall, Mission Veng-ah tan a ni ta. Elimination Round hi Thawhlehi zan, Ningani zan leh Zirtawpni Zan apiangin neih thin tur a ni a, zan khatah Session 2 neih thin a ni a, session 1-ah hian Branch panga zelin inelna an nei thin a ni. Elimination Round hi October 31, 2014 thleng neih a ni ang. Second Round leh Third Round awm chhoin November 28, 2014 ah Final neih tum a ni.

Kohler Power System Hruaina Eng Quiz neih lai mek zan dar 8:00 leh dar 9:30 a tan thin chu remchan zawkna avangin siam rem a ni a, First Session dar 7:30 p.m. ah tan a ni ang a, Second Session chu dar 9:00 p.m.-ah tan thin a ni tawh ang.

Zanin (October 23, 2014) hian zan dar 7:30-ah Tlangnuam, College Veng, Chaltlang 'S', Chawlhmun leh Dawrpui Branch-te an inel ang a, dar 9:00 atangin ITI Vengchhak, Bungkawn Vengthar, Durtlang, Ramthar Veng leh Bawngkawn Branch te an inel thung ang. Branch telte Elimination Round neih hun tur hi www.mizoramsynod.org ah a kimchangin en theih a ni.

He quiz main sponsor atan Kohler Power Systems, Lower Zarkawt hman an ni a, co-sponsor atan E.R. Enterprises, Ramhlun South; Highland Chevrolet, Zemabawk; Computer House & Photo House, Millennium Centre; Electrical Inspectorate, P & E Department, Zuangtui; Zoland Electricals, Chanmari leh Dyna Roof, Guwahati te an ni. Kohler Power Systems Hruaina Eng Quiz hi show neih apiangin Hruaina Eng Channel (LPS & Zonet Cable TV)-ah Live in pekchhuah thin a ni.

❑ U.S. Consul General leh Synod Hotute inkawm

October 16, 2014 khan Pi Helen G. LaFave, U.S Consul General, American Consulate, Kolkata (Eastern India & North East bialtu) leh Synod hruaituten Synod Officers' Room-ah inkawmhona hun tha tak an nei.

Pi Helen G. LaFave, Consul General hi Gaurav Bansal, Consul for Political & Economics Affairs leh Saurab Sen, Press & Media Advisor ten an rawn tawiam a, Synod hotute atangin Rev. K. Lalhmuchhuaka, Synod Moderator; Rev. Lalzuithanga, Senior Executive Secretary leh Dr. Robert S. Halliday, Superintendent, Synod Office-te an tel a ni.

He inkawmhonaah hian Mizoram Synod-in rawngbawlna hrang hrang an neih dan te leh vantlang leh khawtlang nun chawi kang tura hma an lakna kawng hrang hrangte an sawiho a ni.

Pi Helen G. LaFave hi New Hampshire, United States lam mi a ni a, kum 1998 khan Foreign Service Officer hna hi a zawm a ni. Kolkata-a Consul General hna hi August 2013 khan a chelh tan a, ram hrang hrangah dinhmun pawimawh tak tak chelhin a awm kual tawh a ni.

March 4, 2011 khan US Consul General (Kolkata) Pi Beth Payne-i chuan Synod Office rawn tlawhin zing inkhawm a rawn hmanpui tawh a. Hemi tum hian Ms. Beth Payne-i chuan Mizoram Kohhran leh US Consulate, Kolkata-a amah thlaktute pawhin inthianna tha tak an neih chhoh zel a beisei thu a sawi a ni. Pi Beth Payne-i thlaktu Pu Dean R. Thompson-a pawhin June 14, 2012 khan Synod Office rawn tlawhin zing inkhawm a rawn hmanpui leh a, Pu Dean R. Thompson-a thlaktu Pi Helen G. LaFave chuan Mizoram a rawn tlawhna hun remchang hmasa berah Synod Office a rawn tlawh ve leh a ni.

❑ PRESCOM Board Meeting

October 21, 2014 khan Synod Office-a JM Lloyd Hall-ah Presbyterian Communications (PRESCOM) Board Meeting vawi 157-na a thu. Meeting hi Rev. K. Lalhmuchhuaka, Moderator-in a kaihruai a ni. He meeting hi kumin Synod Inkhawmpui inbuatsaihna a ni tawh a, PRESCOM Budget thar tur pawh ngaihtuah zingah a tel.

Tun tum meeting-ah hian thu pawimawh ngaihtuah tur chhawp chhuah 11 a awm a, chung zingah chuan Contract-a rawih lai dah ngheh chungchang te, Zawnuam Bookroom Branch hawn thu te, Bookroom building sak that rawtna te, Budget thara Cutting machine, Offset Printing machine leh Bookroom Hqrs. Computer Software dah belh thu te, Champhai Bookroom building chung Conference Hall sak rawtna leh Additional Budget dilna te chu a langsar zual an ni.

Prescom Board Secretary Upa R. Lalmalsawman report a pe a, Kolasib Bookroom chung Conference Hall sak zawh tawh a nih thu te, Lawngtlai Bookroom hmun turah building sak hna tan a nih thu te, Board-in a rel fel tawh Paper Folding Machine lei a nih tawh thu te, Computer to Plate khawl nuai 50 man lei a nih thu leh nuai 3 chuang sen belh a nih thu te tar lan a ni. He meeting-ah hian member 52 atangin 41 an kal a ni.

Synod Inkhawmpui atana Synod Department hrang hrangte inruahman lawkna Committee hi October 20, 2014 atang khan neih tan niin Pension Board an thu a, October 22, 2014-ah Sunday School Committee a thu a, October 23-24, 2014 chungin Mission Board a thu leh ang a, October 27, 2014-ah Theological Education Board, October 28, 2014-ah Hospital Board, October 29, 2014-ah Pastoral Committee te an thu leh ang a, October 30, 2014-ah Education Board, October 31, 2014-ah SL&PB Committee an thu ang. November thla chungin Board leh Committee chi 4 an la thu leh bawng ang.

❑ Zin

♦ October 25 - 27, 2014 hian Chalrang Pastor Quarters thar hawng turin Rev. Lalzuithanga, Senior Executive Secretary a kal ang. Rev. Lalzuithanga hi Upa Malsawmkiman a tawiam ang.

♦ October 25 & 26, 2014 Venghlu Kohhranah Sum leh Pai, Zu leh Drugs Awareness Campaign neih a ni dawn a, speaker atan Dr. Robert S. Halliday, Superintendent, Synod Office an hmang ang. Dr. Robert S. Halliday hi Oct. 31 - 2 Nov., 2014 chungin Assam Mission Field-ten Healing Crusade, Tinsukia-a an buatsaih turah Speaker a ni bawng ang.

♦ October 24 - 26, 2014 hian Phuldungsei Bial huapin Sum vawn dan training leh finance campaign neih a ni dawn a, hemi neihpui tur hian Upa C. Lalmuankima, Asst. Finance Manager; Upa Vanlalngaia leh Pu R. Lalnunkima (Synod Revival Speakers) te an kal ang.

❑ Kohhran Hmeichhia

October 24 - 26, 2014 hian Presbyterian Women Fellowship (PWF) 15th Biennial Conference, Churachandpur, Manipur-ah neih a ni dawn a, thupuih 'Rise up and Build' tih an hmang ang.

Conference a tel tur hian Mizoram Synod atangin palai 150 vel kal tura beisei an ni a, vawiin (Oct. 23, 2014) hian Churachandpur panin Aizawl an chhuahsan a ni. Conference-ah hian Pi H. Lalpianthangi, General Secretary leh Dr. Lalrindiki Ralte, ATC Lecturer ten Pathian thuchah sawina hun an nei dawn a, Pi C. Lalneihthangi, Treasurer leh PWF Standing Committee-in Bible Study a neihpui bawng ang.

❑ Family Guidance & Counselling Centre

October 24 - 26, 2014 hian Champhai Kanaan Kohhranah Kristian Chhengkaw Seminar & Campaign neih a ni dawn a, hemi neihpui tur hian Rev. R. Lalhmingshanga, FG&CC Director leh Pi Nubuangi te an kal ang.

❑ Music

October 20 & 21, 2014 khan Khawthlang Pastor Bial huam chungin Bial 7 (Kanhmun, Zawnuam, Zamuang, Rengdil, Kawrthah, Tuidam leh Kawrtethawng) te tan Lengkhawm Zai Seminar neih a ni a, mi 82 zet an tel a ni. Seminar hi Upa F. Lalremthanga, Music Coordinator; Upa R.L. Thianga, Music Committee Member; Rev. K. Lalthanliana, Music Committee Member leh Pu Lalromawia, Senior Music Instructor ten an neihpui a ni.

Contd...

□ **Synod Mission Board**

- ♦ Synod Mission Board (*Mizoram Presbyterian Church*) chuan kum 2015 chung Contract basis-a thawk turin Missionary (Evangelist, Evangelist Teacher, Staff Nurse, Health Worker, Craft Teacher, Office Assistant) a lak turah diltu 435 an awm a, October 25, 2014 (Inrinni) zing dar 7:00 atangin Synod Committee Room No. 1-ah Personal Interview neih a ni ang.
- ♦ October 30 - 2 November, 2014 hian Damparengpui Kohhran Biak In-ah Home Mission North Bru Convention Vawi 1-na neih a ni dawn a, thupuiah 'I puan in zauh rawh' (Isaia 54:2) an hmang ang a, Speaker atan Rev. C. Zoramawia i/c Dawrpui Pastor Bial an hmang ang. Convention neih chung hian zing karah Bible Study - Jakoba Lehkhathawn neih thin a ni ang a, Rev. Laldusaka i/c Damparengpui Pastor Bial-in a zirpui thin ang.
- ♦ **Ringthar zat** : January - September, 2014 thlenga ringthar neih zat :

1. Arunachal 'E'	-	50	10. Karbi Anglong	-	191
2. Arunachal 'W'	-	276	11. Kolkata	-	453
3. Assam	-	67	12. Lucknow	-	301
4. Barak Area	-	273	13. Nepal	-	177
5. Cachar Tlāngram	-	106	14. Patna	-	193
6. Delhi	-	83	15. Siliguri	-	76
7. Home Mission 'N'	-	106	16. Tripura	-	1459
8. Homission South 'S'	-	205	17. Mizoram Masihi Sangati	-	762
9. Jharkhand	-	495	Belhkhawm	-	5273

□ **Lay Leaders' Training Vawi 183-na kharna nei dawn**

Synod Multipurpose Training Centre (SMTC) ten October 20 - 24, 2014 chung a Lay Leaders' Training Vawi 183-na Synod Conference Centre-a an buatsaih chu zanin (Oct. 23, 2014) hian kharna neih a ni ang. Kharna inkhawm hi SMTC Programme Director Rev. Zosangliana Colney-in a kaihruai ang a, Synod Moderator Rev. K. Lalhmuchhuaka'n thuchah sawiin training chhuakte certificate a hlan ang. Rev. C. Vanlalhruaia'n lawmthu sawina hun a hmang ang a, SMTC zaipawl te an zai ang a, Rev. H. Remthanga'n malsawmna in he training kharna inkhawm hi a tin ang. Tun tum Lay Leaders' Training-ah hian Presbytery paruk atangin Kohhran Upa 42 an training a, Kohhran inrelbawl dan leh inkaihruaina dan te an zir a, trainees ten hlawk thlak an ti hle. SMTC hian Lay Leader training hi vawi 183 buatsaih tawhin Upa 5846 an train chhuak tawh a ni.

□ **MSSU**

October 24 - 26, 2014 chung hian Phuaibuang Bial huapin Khawlian Kohhranah Sunday School Zitirtu Training neih a ni dawn a, hemi neihpui tur hian T. Upa Lalthahluna Ralte, MSSU Asst. Coordinator; Upa K. Zoremsanga leh Upa Zohmangaiha (MSSU Trainers) te an kal ang. Training bakah hian Bial chung Kohhran hrang hrangah hun an hmang baw ang.

□ **Kristian Thalai Pawl**

- ♦ Presbyterian Youth Fellowship Youth Camp 2014 chu October 17-19 chung khan Diakkawn Kohhran, Kolasib-ah tluang taka neih a ni. Youth Camp hi PYF Biennial Conference neih loh kumah neih thin a ni a. Kuminah hian Central KTP thlen hun a ni a, Kolasib Diakkawn-ah nghah a ni. October 17, 2014 (Zirtawp) zanah tanin Central KTP General Secretary Upa Zonunmawia leh Diakkawn Kohhran Secretary ten palaite lawmna (Welcome Address) an sawi a, PYF Asst. Leader Pro. Pastor J.F. Dkhar-an Keynote Address a sawi baw. Kumin Youth Camp thupui atan 'Christian Youth and Globalisation' hman a ni a, Rev. Dr. Lallawmzuala, Associate Professor, Aizawl Theological College paper buatsaih zirho a ni. Zing karah Devotion/Bible Study neih thin a ni a, Pathian Biak Inkhawm tum 5, Fellowship/Cultural programme 3 tum hman a ni baw. Youth Camp-ah hian Mizoram Synod Choir pawh kalin hla 6 an rem a, Cultural item nei turin Diakkawn Bial KTP te ruat nghal an ni baw.
- PYF Youth Camp-ah hian PCI hnuai thalai pawl 11 atangin palai 306 an kal khawm a, chungte chu - KJP Sepngi -85, KJP Mihngi -47, Manipur Youth Fellowship -7, KAGAAA (Karbi Anglong Gen. Administrative Area) -20, Kristian Vanglai Pawl (Biateram) -9, Zou Synod -5, Ri-bhoi Synod -22, Cachar Hill Tribe Synod -5, Kristo Jubo Songho (Barak Area) -21, Meitei Naharup -7 leh Mizoram Synod -78 te an ni.
- Kolasib Diakkawn Kohhran inbuatsaihna a ropui hle a, palaiten nuam an tiin an hlawkpui hle. Diakkawn Kohhran hian Youth Camp atan hian budget Rs. 2,35,500/- an ruahman a, an senso zat chiah erawh la chhut fel hman a ni lo. PYF Biennial Conference 2015 chu KJP Mihngi-in an thleng ang a, Khliehriat-ah nghah a ni ang.
- ♦ October 25 - 26, 2014 hian CKTP Leader Rev. J. Lalremsiama chu Kolkata Misison Field Thalai Conference hmanpui turin Kolkata-ah a kal ang.
- ♦ Central KTP Committee ruahmanna angin Youth Recreation Centre (YRC), Falkland sam fai hnatlang neih a ni a, vawiin (Oct. 23, 2014) hian Sihphir Vengthar, Leitan, Chaltlang, Ramhlun 'N', Chhinga Veng, Mission Veng, Bungkawn, ITI leh Venghlui Bialten hnatlang an nei a, Tuikual Branch ten refreshment an buaipui a, October 25, 2014 (Inrinni) hian Electric, Sihphir, Chanmari, Dawrpui, Durtlang, Khatla, Bethlehem, Republic leh Vaivakawn Bial te an hnatlang leh ang a, Dinthar Branch ten refreshment an buaipui ang.
- ♦ Mizoram Synod Choir chuan October 26, 2014 (Pathianni) chawhnu leh zan hian Sevenphul Kohhranah zaia rawngbawlna an nei ang a, October 27, 2014 (Thawhtan) zanah College Veng Branch KTP Inkhawmah hun an hmang baw ang.

□ **Hruaina Eng FM Radio & TV Programme**

- ♦ **OCTOBER 24 (FM Zoawi Aizawl @ 7:30 p.m.)**
Zaipawl : Dawrpui Vengthar Bial Zaipawl - Tih takzet a duh si, **Solo** : David Vanlalpeka - I Thu Ni Zel Rawh Se, **Thusawi** : Upa C. Lalduhawma - Tunlai huna chungkaw inrelbawlna, **Group** : One In Christ - Ka zinna Ram, **Solo** : Fiona - A hnenrawn pan la, **Zaipawl** : Tlungvel Kohhran Zaipawl - Danglamlo krista
- ♦ **OCTOBER 24 (FM Lunglei @ 7:30 p.m.)**
Zaipawl : Dawrpui Vengthar Bial Zaipawl - Tih takzet a duh si, **Solo** : David Vanlalpeka - I Thu Ni Zel Rawh Se, **Thusawi** : Upa C. Lalduhawma - Tunlai huna chungkaw inrelbawlna, **Group** : One In Christ - Ka zinna Ram, **Solo** : Fiona - A hnenrawn pan la, **Zaipawl** : Tlungvel Kohhran Zaipawl - Danglamlo krista
- ♦ **OCTOBER 26 (TV Programme @ 3:00 p.m.)** :
Zaipawl : Tuikual Kohhran Naupang Inkhawm - Vana ka kumkhaw in chu, **Sermon** : Rev. C. Chanchinmawia - Ram chu Lalpa ta a ni, **Zaipawl** : Mizo Cardinal Choir - Trinity, **Playback** : Karbi Anglong Kohhran Silver Jubilee lawmna, **Faklam Intihsiak** : Zan III-na

□ **Susamachar Prasaran Programme**

OCTOBER 26 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Karbi Presbytery Choir - Nang ingthir et, **Group/Choir/Solo** : Chanmari Masihi Sangati - Mukti Dilai, **Sermon** : Rev. Vanlalbela - Parmesuar ka vachan zivit hai, **Group/Choir/Solo** : Tuikual Pastor Bial - Prabhu Mere, **Group/Choir/Solo** : Luangmual Bial Masihi Sangati - Mere Geeto

□ **Moderator Programme**

Synod Moderator Rev. K. Lalhmuchhuaka chuan tunkar tawpah hetiang hian hun a hmang ang :
 October 26, 2014 (Pathianni) Zan : Chaltlang Kohhran